

15. januar 2019

Inatsisartut suleriaasiat § 37 imm. 1 naapertorlugu Naalakkersuisut apeqqut imaattoq matumuuna saqqummiuppara:

Naalakkersuisunut apeqqut:

- 1. Naalakkersuisut pilersaaruteqarnerlutik Mittarfeqarfiit allaffeqarfiat Kangerlussuarmut imaluunniit Sisimiunut nuussanerlugu? Tamanna ilumoorpat paasissutissiissutigineqassasoq kissaatigineqarpoq.**
- 2. Kalaallit Airports A/S-ip Nuuk-mi aamma Ilulissat-ni mittarfiit tinguppagit Mittarfeqarfiit timmisartoqarfiit aamma qulimiguulimmut mittarfiit akisussaaffigissavai?**
- 3. Qaqortoq-mi qulimiguulimmut mittarfik Namminersorlutik Oqartussat akisussaaffigiinnassavaa imaluunniit Kalaallit Airports A/S-ip akisussaaffigilissavaa?**
- 4. Kaaviaartitat qanoq annertutigisut annaaneqassappat Mittarfeqarfiit ingerlataralugit akisussaaffigimasai mittarfiit Nuuk aamma Ilulissat, kiisalu Qaqortoq-mi qulimiguulimmut mittarfik Kalaallit Airports A/S-imut nuunneqassagaluarpata?**
- 5. Akit Mittarfeqarfinni atorneqartut Kalaallit Airports A/S-imut akisussaaffik nuunneqarpat allangussappat?**
- 6. Qaqugu piginnittuussuseq Nuuk aamma Ilulissat mittarfii Namminersorlutik Oqartussat-niik Danmark-imi nutaamik piginnittoqalissava?**
- 7. Mittarfik sorleq Mittarfeqarfiit-mut isertitaqarluartussatut naatsorsuutigineqarpa, Nuuk aamma Ilulissat piginnittoqarnermikkut Danmark-imut piginnittuussuseq nuutsinneqarpat?**
- 8. Mittarfeqarfiit allaffissornera Sisimiut-nut imaluunniit Kangerlussuarmut nuunneqassagaluarpat qanoq tamanna allaffissornermikkut aamma aningaasatigut kinguneqassava?**
- 9. Naalakkersuisut qanoq iliuseqarniarpat Mittarfeqarfiit sullitanik immikkoortitsisarnerat, sullissinermi aamma orsussamik pisiniartarnermi.**

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



10. Naalackersuisut eqqarsaatersuuteqarpat nunap soqutiginarsarnissaa angallannermi politikkikkut akuersissuteqartarnerup silaannakkut angallassisartut eqqarsaatigalugit?

(Inatsisartunut ilaasortaq, Pele Broberg, Partii Naleraq)

Tungavilersuut:

Mittarfiit pillugit Inatsisartuni (UKA2018/21) oqallisigineqarlunilu aalajangiiffigineqarmat Partii Naleqqamiik siunnersuutigisimavarput Mittarfeqarfiit allaffissornikkut ingerlanneqarnera Sisimiut-nut imaluunniit Kangerlussuarmut nuunneqarsinnaasoq.

Taamaalilluni suliffeqarfiit Nuuk-p avataaniittut suliffeqarfinnik annaasaqannginnissaat pinaversaartinniarlugu nutaamik mittarfissualiornissat eqqarsaatigalugit.

Amerlanerussuteqarluartunit taparserneqarmat, Mittarfeqarfiit Nuuk-miikkunnaarnissaat ilutigalugu piginnittuuneq aammalu allaffissorneq Naalackersuisuniik aamma Inatsisartuniik nakkutigineqarunnaarpat pissusamisut isigineqassaaq allaffissornikkut ingerlatsineq siunissamut iluarsartuusseqqinneq eqqarsaatigalugu.

Kangerlussuaq matuneqannginnissaa neriorsuutigineqarmat nunaqarfik suliffeqartut atussallugu piukkunnaateqarnera taamatullu siunissami Namminersorlutik Oqartussani atorfillit nuutinneqarnissaat qularnaarneqassammat.

Ilaasunik aamma timmisartumik suliaqarneq Nuuk-mi aamma Ilulissat-ni Air Greenland-ip sulisuinik ullumikkut sullissineq ingerlanneqarpoq, Mittarfeqarfinnut kaaviaartitatigut annaasaqarnissaq qanoq annertutigisooq annaasaqaataassanersoq, kiisalu qanoq suliffeqarfiup timmisartuutiminik nakkutilliinini ingerlatiinnassaneraa ilisimaneqanngilaq unammillerteqannginneq pissutaalluni.

Mittarfeqarfiit akigititai qaffasippallaarnerarlugit isornartorsiorneqartarpoq, mittarfeqarfinni ingerlatsineq (uani unnuisarfiit ingerlanneqarnerat ilanngullugu). Taamaattumik kissaatiginarpoq paasissallugu Mittarfeqarfiit qanoq pissarsiassaraluminik nunatta karsianut kinguneqassanersoq unnuisarrfinnimmi ingerlatsineq namminersortunut tunniunneqartuuppat, taamaalilluni akigitinneqartut appariassagaluarmata pitsaanerumillu atuisunut aammalu angalanissamut bilitsit akikinnerulernerannik tamanna kinguneqartussaassammat.

Qulaani akineqartussaq aallaavigalugu kissaatiginartinneqarpoq mittarfiit sorliit maannakkumut akigitinneqartut aamma akit nutaangortussat eqqarsaatigalugit taamatut aqqissuussinermut isertitatigut kalluarneqassanersut.

Ullumikkut ingerlatsisussat nutaat Air Greenland-itulli akikinnerusumik ingerlatsinissaminut periarfissaqanngillat. Atugassarititaasut assigiilernissaat aqqutissiuunniallugu Naalackersuisut

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinalearaq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



partii naleraq

assigiinnngisitsineq atuisunut atorunnaarsinniartaat ingerlatsisimasut assiganillu atugassaqaqtissallugit uani orsussamut akigitinneqartartoq eqqarsaatigalugu. Erseqqissaatigalugu Kalaallit Nunaata angallavissatut soqutiginaartut imaluunniit akunnilluni mittarfissatut piunasaqaatit angallassinermi politikkip akuersisartut atorunnaarsinnissaat aammalu nunat tamalaat malitassaat pigisanik aamma inunnik angallassinermi atuutilersinneqarneratigut.

Apeqqutit ullut qulit suliffiusut iluani akineqarnissaat kissaatigaara.

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinaleraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536